



**HORATII TVRSELLINI || ROMANI || E SOCIETATE IESV ||
LAVRETANAЕ HISTORIAE || LIBRI QVINQVE. ||**

Torsellini, Orazio

Romae, 1597

Cap. 25. A Callisto III. aduersus Turcas communita S. Domus Barbaros
alios vertit ingenti clade percusos.

[urn:nbn:de:hbz:466:1-64112](#)

si ex Antistitem Recinetensem, si quid eorum in posterum distrahere, aliosue invitus conuertere ausus foret, si autem vendita iam, ac distracta intra viius mensis spatium, non recuperaret, Episcopatu deiiciens. Ciuitati insuper Recinetensi eodem diplomate negotium datum, vel recuperandi Lauretanam dona, vel tuendi. Nec pace solum, sed bellico etiam tumultu, insignis Nicolai Pontificis pie-tas in Lauretanam sedem enituit. Sub id tempus Mahometes Turcarum Rex Constantino Palæologo Orientis Imperatore cæso, Constantinopoli vi capta, fædeque di-repta, Turcici sedem imperij transtulit in Europam, anno post Christum natum M. CCC C. LII. Ergo, ut Constantinopolim Christiani Imperij arcem à barbaris captā, Imperatorem ipsum cum nobilitate cæsum, Turcarum Regem tanta victoria inflatum ex propinquo insultare Græciæ, minitari exitium Italiæ fama tulit; enim uero tantus Christianis viribus terror incessit, vt tota Italia trepidatum sit. Itaque Nicolaus satis memor Aedis Lauretanæ, eam aduersum barbarorum excursiones satis firmo præ-sidio munit: & simul in hostem omnibus viribus consurge-re parat eius rabiem compressurus.

*A Callisto III. aduersus Turcas communia Domus,
barbaros alio vertit ingenti clade perculsos.*

Cap. XXV.

S. Anto. p. 3
Plat. Callist.
III.

Callisti III
beneficia.

Caeterum Nicolao in ipso apparatu, ac meditatione Turcici bellii ex moerore, vt ferunt, extincto succes-sit Callistus Tertius. Is, quia fama erat, Turcas victoria usos magna Peloponnesi, Epirique parte in suam ditionē redacta, in Dalmatiam, atque in ipsam Italiam furore ac rabie instinctos rapi; nihil habuit antiquius, quam vt Lauretanam Domum tutaretur, haud dubius quin illa salua, Deiparæ præsidio cætera in Italia salua essent futura. Ig-i-tur

tur Rodericum Borgiam fratris, & L. Ioannem Milianum
 sororis filios cum Legatorum Pōtificiorum munere, ac no-
 mine, copijs præficit. Horum alterum in Picenum, Lau-
 retana Domo præcipue eius curæ demandata, alterum
 Bononiam è vestigio destinat. Veniunt ambo Legati cum
 suo vterque exercitu Lauretum; ibi pacem, veniamque à
 Deo, Deique parente comprecati sacram Aedem à muris,
 & propugnaculis nudam tumultuario opere aggeribus cin-
 gunt. Cæterum B. Virgo, tametsi Pontificis, Pontificio-
 rumque Ducum erga se voluntatem minimè aspernata;
 suam ipsamet cælesti ope protexit domum, Turcarum ra-
 bie alio auersa, domitaque. Quippe per id tempus Pon-
 tifica classis non magna, duce Patriarcha Aquileiensi,
 Asiae oras felici ausu, euentuque populata, effusum Bar-
 bariæ impetum fregit. Turcica classis acie victa, pleræque
 tritemium captæ. Vsum cassanus insuper Persarum Rex,
 Callisti instinctu, Turcarum fines infesto agmine ingre-
 sus, egregias reportauit de superbissimo hoste victorias,
 non tam humana vi (vt ipse met litteris ad Pontificem da-
 tis professus est) quam ope diuina. Ioannes quoque Hun-
 niates Præfectus Vngariae per eadem ferme tempora Tur-
 cas Belgradum Vngariae oppidum nobile, maximis co-
 pijs ac viribus obsidentes adortus, non magna militum
 manu ingentem eis intulit cladem. Haud humanæ opis
 res visa. Ioanne Capistrano viro sancto ex Franciscana
 familia Christi crucifixi signum inferente, barbari fusi,
 cæsique. Mahometes ipse Turcarum Imper. vulneratus.
 Nec obscurum Dei auxilium fuit; tam insignem victoriam
 ipsi belli Duces diuino numini acceptam retulere. Itaque
 tot, tantæque de præpotenti hoste victoriæ omnium con-
 sensu diuinitus partæ, ad bene de Rep. sperandum Chri-
 stianorum animos erexerunt. Haud parua deinde dictu-
 res, & spem piorum auxit, & S. Mariae Lauretanæ nomen
 toto pene Christiano orbe propagauit.

*S. Anto. p. 3.
Sabel. Acta.
10. lib. 6.*

Sani-